




Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3379 4° (LN 1212 4° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3379 4° (LN 1212 4° copy 2)




Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3379 4° (LN 1212 4° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3379 4° (LN 1212 4° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3379 4° (LN 1212 4° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3379 4° (LN 1212 4° copy 2)

N^o 3379.



St. Andrew Street -


$$= \text{LN } 1212$$

ex. 2

IDYLLIA CHARITVM

Pietate & eruditione præstanti

Juueni

NICOLAO CLAVDIA-

NO Neoburgensi, almæ Rosa-
rum Academiae valedicenti, & in patriam

circa festum Michaëlis Anno *της μαγ-*

γενοσητας 98, iter maturanti, per-

petuæ fraternitatis ergò

Scripta à

LAVRENTIO OLAO

Othomiensi Dano.




ROSTOCHII

Typis Stephani Myliandri.

Anno 1598.





Qui cupit intacta praeruptam Palladis ar-
cem,
Scandere, & Aonijs tecta subire cho-
ri,

Discat multa pati, multos tolerare labores
Non renuat, forti pectore cuncta ferat.
Illi multoties stimulos sedabit edendi

Panis bis cocti portio tincta sale.

Thyrsgeri fugiens ardentia munera Bacchi
Ardentem discat fonte levare sitim.

O quoties glacialis hyems glomerata pruinis
Illius hyberno tempore membra premet!

Et meritò, tenera ne prosperitate juventa
Concidat in tremulo curva senecta gradu.

Sis patiens igitur. Patientia firma ministrat
Pharmaca, sis vigilans, fac tua, fide Deo.

Ille dabit verum rebus solamen in arctis,
In fines studium diriget ipse bonos.

Non habet ille rosas, fruitur nec odoribus ille,
Qui spinas rigidas, quiq, venena fugit.

Nec valet Hybleos apibus spoliare liquores
Qui fronti pavidus spicula dura timet.

Munit spina rosas, & apes sub melle teguntur,
Artes ingenuas aspera multa tegunt.
Spes tamen haud unquam confundit, Militis harpe
Fictæ nonnunquam rumpitur ipsa suo.
Hæc spe Nicoleos seu victor diceris esse,
Frater præsidium dulce decusq; meum,
Hæc spe Cecropiæ tanto sudore Minervæ
Sacraſti vitæ ſtamina prima tuæ.
Bellerophonæas hauſiſti ſedulus undas
Ac exantlaſti tædia magna lubens.
Scilicet ut patriæ poſſes ſervire ſaluti
Atq; etiam docti nomen habere viri.
Nec tibi ſpes fallax: Nam primo a flore juventæ
Arriſit ſtudijs Divus Apollo tuis.
Ille Neoburgi mores forma vit, & alma
Suggeſſit ſophiæ prima elementa tibi.
Poſt hæc intraſti ſocio comitatus eodem
Herluſſholmiacæ limina docta ſcholæ.
Hinc Rhodiocrenes, Roſei ſeu fontis in urbe
Hauſiſti Clarij flumina pura Dei.
Sed quoniam natale ſolum dulcedine natos
Ducit, & ut flamma ſemina Naphtha trahit:
Mox Othoniacas, ſuccenſus amore Lycei
Accēſti, domino concomitante domos.

Hic

Hic ubi proponit doctas Glamdorphius artes,
Discipulosq; probos, ut pater alter, amat.
Exemplar morum, virtutis Regula fulget,
Aethereas veluti Lucifer ante faces.
Corripit errantes, Iuvenum scelera impia damnat,
Est quoq; discipulis norma probata suis.
Quo circa cunctos virtutum laude nitentes
Hac sibi de vinc̃tos dexteritate facit.
Ac velut alliciunt molles nova succina glumas,
Succina lanosã veste polita prius:
Hujus non aliter radiantis gloria fama
Allicit eximios conspicuosq; Viros.
Hic ubi doctrinae fundamina firma locasset
Te Copenhaga suo suscipit alma sinu.
Hic te Dibvadius, Kragius, Resenius atq;
Stubæus studijs erudiere bonis,
Hinc Germanorum migrabas hospes in oras
Rostochij celebris tecta superba petens.
Quas sedes meritò commendat mascula virtus
Nec non doctorum magna corona virum,
Hujus magnificus moderatur sceptræ lycei
Albinus patriæ splendor honosq; sue.
Chytræus Clariæ decus immortale coronæ
Romanis Pauli dogmata scripta docet.

Michaam Lucas nunc Bachmeisterus ad unguem
Explicat, idq; piâ religionē facit.
Frederus Genesin sub Phœbi lampadis ortu
Tradit, & Examen doctē Philippe tuum.
Salvificas serie proponit Schachtius aptâ
Historias Luca, cunctaq; membra secat.
Æterna vitæ Lobeckus destinat omnes
Qui pergunt purâ fidere mente DEO.
Præterea juris defendunt lemmata multi,
Artis Apollineæ lumina multa micant.
Immò hic linguarum viget alma scientia, & omnes
Artes ingenue, quas dedicisse juvat.
Quas dedicisse juvat dum florida ver agit ætas,
Dum mens in sano corpore sana viget.
Non igitur frustra liquisti tecta parentum
Sed Sophia tecum munera diarefers.
Ingenij dotes decorasti moribus aptis,
Tu Roseæ sedis donec alumnus eras,
Ergo dum patriam repetis, sine veste decentes
Exoptant Charites prospera cuncta tibi.
Dumq; tibi celeri via carpitur udaphælo,
Ecce canunt dulci talia metra sono.

AGLA-

AGLAIA

SPe studiosus inops Cunctos superare labores
Debet, & eximia Pietate subire palæstram,
Palladis, ut prisca Sumat cum laude coronam,
Et florem gestet Clariis qui crescit in hortis.
Tu quoniam id Reolis Victor robuste malorum,
Ecce tuum nunc Aladei Rutilantibus armis
Seruat iter, constans Via erit Nilhil ergo timebis.
In toto nihil hacs inetvum vivit in orbe,
Æthereosq; sacrum tibi Pneuma adspirat amores
Vt Christi nomen Ro seo qui sanguine nostras
Purgavit sordes Coram defendere mundo
Incipias toto et Facias per dogmata fructum
Pura Dei, qui ritè tuis conatibus adit.

THALIA CHARITUM.

FRater, Palladiis tuum
Exornans animum jugiter artibus.
Te Nymphæ decorant tuæ,
Te laudat probitas, te celebrem facit
Insignis; pietas polo
Descendens nitido, quam sequitur Dei
Verbi sancta scientia,
Qua nos sulphureis eripimur focis.
Ergo dum patriam petis.
Et tentare Thetis navibus incipis;
En lauri roseas tuo
Subnectam capiti fronde coronulas,
Phœbusque ambrosio tua
Perfunderet sophiæ nectare pectora.
Et te

3
Et te suscipiet Deus
Tali fronte, suam quâ genetrix bona
Prolem suscipit unicam.
Avertet pariter cuncta pericula,
Ac forti reducem manu
Te charis patriæ sistet in ædibus.

EUPHROSYNE.

FAc Deus magni moderator orbis
Summus excelsâ residens in arce,
Salvus ut jam Nicoleos paternas
Tendat in oras.
Non ratem lædant scopuli, nec illam
Sæva tempestas pelago suborta
Obruat, ventis potius secundis
Æquora currat.
Sic pijs hymnis tibi semper alme,
Sacra persolvam Genitor, tuique,
Nominis laudes celebrabo totum
Voce per orbem.

TAlia Acidaliæ cecinerunt carmina Nymphæ
Quæ tibi me verus scribere iussit amor.
Scribere iussit amor seros mansurus in annos,
Quem poterit nunquam frangere livor edax.
Livor edax pereat Stygijs dignissimus undis,
Noster in æternum vivere debet amor.
Sed quoniam tumididistendunt carbasa venti,
Et spirat votis aura secunda tuis,
I foelix, veniensque domum dic quæso salutem,
Cunctis quos nobis noveris esse bonos.

SOLI DEO GLORIA.

3379.